

廣

州

大

典

番禺校区

20091

40

陳建華

曹淳亮

主編

廣州大典

40



第三輯·粵雅堂叢書
二冊

廣州出版社

目錄

第三集

芻蕘奧論二卷

宋張方平撰 二

唐史論斷三卷

宋孫甫撰 二八

叔苴子內篇六卷外篇二卷

明莊元臣撰 八三

西洋朝貢典錄三卷

明黃省曾撰 一六四

五代詩話十卷

清王士禎輯清鄭方坤刪補 一九四

第四集

易圖明辨十卷

清胡渭撰 四五〇

四書逸箋六卷

清程大中撰 六一五

古韻標準四卷詩韻舉例一卷

清江永撰清戴震參定 六六〇

四聲切韻表一卷凡例一卷

清江永撰 七五四

緒言三卷

清戴震撰

七九五

聲類四卷

清錢大昕撰

八三二

宋遼金元四史朔閏攷二卷

清錢大昕撰清錢侗等增補

九二〇

第三集

粵雅堂叢書

粵雅堂叢書目

第三集

邵堯輿論二卷

宋 張方平撰

唐史論斷三卷

宋 孫甫撰

叔苴子內編六卷外編一卷

明 莊元臣撰

西洋朝貢典錄三卷

明 黃省曾撰

五代詩話十卷

國朝 王士正原編

鄭方坤刪補

粵雅堂叢書目

一 粵雅堂叢書

芻蕘輿論

芻蕘輿論卷之一

樂全先生張方平著

政體論

臣嘗讀漢書至晁錯之事惟錯謀策宏遠達於權義有致主經世之志戮於姦讒之口而史氏不能褒發其衷議以變古易常之說臣竊憤厲反覆較錯凡所辨議悉國家危事亂經將以圖安建治皆合霸王之軌不可不正遷之謬譏嘗試論之古不可變也則是三代無革敝救失之理而漢所用法當循亡轍也忠恭之異尚質文

芻蕘輿論卷之一

一 粵雅堂叢書

之殊用禮不相襲樂不相沿固三王之罪矣用寬大革苛慘固高祖之過矣夫以文景之世追視漢初之政治革既多豈錯未當變易哉稽遷旨意則是顛而弗扶危而弗持興亡倚天成敗推數括囊結舌浮沈容身者爲智矣此乃夫子深鄙以爲焉用彼相可爲具臣者也故論者稱遷是非謬於聖人斯言誠矣益使後人務苟且而惡任事貴因循而重改作沮有心之銳爲无功之辭其於義教不重虧歟臣嘗論之夫爲邦之道有制有權制爲之本權爲之用節之以禮行之以信齊之以刑斷

之以義此不可易之法故爲之制長則縈之短則引之重則損之輕則益之此不可常之理故爲之權其不可易者不爲艱難急卒而變之其不可常者不爲安甯平泰而慢之其本正雖危必安其勢順雖治必亂然人之大清危必思安治必忘亂均乎二者處權爲難非通才達義適時知變者孰能與于斯乎易曰變則通通則久故樂而不亂復而不厭之謂道矣夫事遠必弊法久必衰原其始初各有宜設時遷俗易迹在理非聖人執權盍卽回革使天下之耳目常新萬務之本原必正立法

芻蕘輿論卷之一

二 粵雅堂叢書

垂制不在人君乎言爲典型動爲律度苟无愆于大義甯一取乎舊章在商中宗嚴恭寅畏天命自度治民祇懼不敢荒甯在周宣王聿求賢臣憂勤戒今上以振絕緒嘉靖庶邦並建中興之業夫豈悉履湯武之迹哉在漢孝武引拔俊乂文藝隆起武功震權雄材大畧爲盛漢主又豈咸踐文景之教哉且事苟便俗豈憚乎解弦而更張政苟戾時何固乎守株而求滯故夫不知達權推變之理而牽易常循舊之說者是拘生腐儒按文泥俗凝塞治道此聖智之所常患者也臣敢旁採世務僅

若小敝者列之以裨萬分焉

王政之本在信命令

臣聞制天下之動者主乎一齊天下之衆者存乎信王言惟作命百官承式兆民從乂其難其今上惟新厥德天下至大也兆庶至衆也民心至動也萬務至煩也統之有宗會之有元使衆而不惑繁而不亂非言何以一之故曰德惟一動罔不吉德二三動罔不凶天何言哉四時行焉萬物育焉惟其信之謂也故王者居上以制下宅中而圖大慮善以動非禮勿言動則可法法必可

芻蕘輿論卷之一

三 粵雅堂叢書

以繼言則可行行必可以復賞罰政命紀律條貫推事乃其有訓非信何以成之傳說曰惟口起羞教令輕發所以召亂帝舜曰惟口出好興戎謂王者之言天下善惡所繫也故凡爲人上自一話一言罔不戒今上一動一靜罔不寅畏又况設爲法制布于四方之大者歟書曰今上乃出令令出惟行弗爲反故命令者國之紀綱政之隄防紀綱一弛則萬目隨解隄防一傾則橫流莫制故令必信則上得其政下安其事令不信則吏侮乎法民慢其禁弊雖微于安靜之初害必大於虞急之

際且匹庶而无信衆必棄之士而无信友必疎之卿大夫而无信家必敗王者而失信天下必危故人可以去食而无信不立三軍可以奪帥而非信不行爲人之本爲政之經信爲大也比見朝廷詔令或尊卽遷改或久而自廢吏易之而奉行不固民忽之而苟慢多違揆大體而論之此損政之深者蓋國家切于求理急于聽受一人唱之卽行一人沮之卽止本末固爲枘鑿前後自相矛盾是使民无所措手足而多犯于有司者也臣伏願自今凡諸臣有請創端釐舊事于大政必集議而後

芻蕘輿論卷之一

四

粵雅堂叢書

行下于多方必一定而无變畧其毛細簡其苛蕪勿以辨言亂舊經勿以小忠害大德無稽之言勿聽弗詢之謀勿庸俾萬姓咸曰大哉王言又曰一哉王心自然民協于中四方風動疇敢復慢孰不悅從嗚呼弗慮胡獲弗爲胡成今上厥初圖有終惟明明后邦其永孚于休

致理之要在廣言路

臣聞趨利違害去危圖安者世之大情遺身徇時忘家存國者人之難事故夫從容於舒逸眷戀于富貴泥乎情之樂者舉世而是感激乎忠義顧重乎名節處乎事

之難者絕世而希哲后盛王深推此理故開懷接納勤心率勵無言不受擇善而從奇策遠猷必加酬賞犯顏忤意曲爲矜容愚淺者固恕之疎誕者始置度外如鑒之照各盡其衆形如衡之平無爽乎一物憑羣智以爲智因衆心以爲心通其情僞分其邪正而君人之道舉矣伊尹曰匹夫匹婦弗獲自盡人主罔與成厥功盤庚曰無敢伏小人之攸箴此則詢于芻蕘下及庶賤者也況於士民乎況於卿大夫乎臣聞之屋漏在上知之在下政事有關必訪旁議詩曰惟彼二國其政不獲惟此

芻蕘輿論卷之一

五

粵雅堂叢書

四國爰究爰度晉文聽輿人之誦克興霸功子產休卿校之謗卒成善政衆所善者我則行之衆所惡者我則改之政以無瑕事以合義是爲國者之藥石爲政者之量準也譬之庶人治一家之政其里人邑子有見其田萊不闢家事不脩則勉之以敦業厚生勸功利用之說見其羞服玩用不中禮起居出入不以時則誠之以制節謹度周身齋用之善居常則勵之以孝悌和睦之美緩急則展之以救賑分勞之助者是必其族姻親愛意在相厚者也其有語焉不以義游焉不以時閒誘其子

弟使不循於法離謀其僕妾使不親其上是必素嘗仇恨或挾姦伺便有所利之者也彼爲一家之長者將孰悅焉是必說其相厚者謂有益其家也是必怨其仇而利之者謂有損其家也今爲天下乃不然忠良而相厚者翫以爲怨讒邪而利之者翫以爲悅是固不若庶人之治一家能審損益之正矣嗚呼歷代之昏君暴王不自入於道德之門者可知之矣由其臣有利之者歟歷代之亂臣賊子不能自立於忠厚之路者可知之矣由其主有召之者歟故君臣之誠不盡則天下之患必生

芻蕘輿論卷之一

六 粵雅堂叢書

理固然矣臣竊惟陛下體乾剛之德奮震耀之斷獎拔孤介聽納下議帝堯之詢於衆大禹之不自矜成湯之從諫弗咈文王之徽柔懿恭道兼前王光被四表小臣愚鄙安足以識聖德之大者然嘗覽載籍頗識理亂之道見乎英叡之君忠正之臣口口今上御名咎嗟相戒莫不以博采下言周知衆情而興治德驕佚之主姦利之下阿諛順欲牽合迎合意莫不以壅遏忠直漸取衰敝而至危亂故深願陛下揭日月之明無出詬而不照廣江海之度無細流而不納秕稗不以近俗而見棄葑菲不

以下體而不採招來讜論以廣聽德音漢魏相曰去尚書副封以防壅蔽而宣帝得以知萬機之微爲漢明主唐太宗躬勤政理明於聽受著司門式云其無門籍人有論奏者皆令監門司馬引對不許關礙又制大臣入論事輒令諫官同入或對問之言有虧理道隨即諍之此唐文帝致太平之本也臣聞人之才有通塞識有淺深諍而合義自爲深益諍或非當第可置之故春秋傳曰文公逆祀去者三人定公順祀叛者五人去者謂三諫不從去之以禮此諫而是者也叛者謂諫不合道去

芻蕘輿論卷之一

七 粵雅堂叢書

不以義此諫而非者也故臣之論事容有當否在人主明擇其義可從而從若乃闢忌諱之門斷譽諤之路公爲蔽拒之意以沮忠義之心臣雖甚愚竊所不取伏願陛下覽成湯盤庚之令典考漢宣唐文之善制務進有心之士時聞造膝之對益爲寬大配洪覆於上穹不自聰明託視聽於四遠以通天下之志以成天下之務則七世之廟傳裕於無疆蒸民之生率同於慶賴矣

姑息之賞

臣聞惟名與器君之重柄信賞必罰國之大經故以德

詔爵度材居位計勞賦祿量罪議刑百王之通制也二典三謨五誥衆誓春秋一王之法周官六典之訓功懋懋賞其義同歸故事服以庸二帝所以褒德衣裳在笥有商所以禮賢爰及成周具存彝制寰內卿士甸外侯伯則有九儀之命以異尊卑之數八柄之法以馭予奪之權其好賜匪頒之式蓋所以將宴喜之厚意非尊寵大臣者也昔者周公輔成王致太平既營洛宅社于新邑庶邦冢君駿奔咸覲召公欲因大會顯周公之功乃出取幣入以王命錫之纁束帛爾則知聖人尚德貴禮

芻蕘與論卷之一

八 粵雅堂叢書

之賞行焉職官不足以補授而檢試之號立焉吏胥與早假春坊憲署之秩卒旅冗校僭三公八座之稱彝章蕩然官紀大紊五代相蹂亂靡有定响濡姑息務相加厚姦臣驕將磨牙擇肉指帑藏爲外府視藩王爲別第人君之御國如燕巢幕上固無暇剗深固之弊迹立宏遠之規模也伏惟我有宋之集靈命而宅天極也經綸屯昧削平亂畧丕冒無外緝熙光明故厯世之相輔輾所以爲我而驅除苟衆政之有因循固宜監彼而創艾臣竊見賞典之謬姑息之軌猶有存焉疑朝廷俟議者

芻蕘與論卷之一

九 粵雅堂叢書

不贖貨利訓天下以恭儉而已及王室衰亂戰國紛擾兵拏禍結務相吞勝競爲賞法以激用命故秦設武功爵三十級以授戰士齊立賜金之令魏行給復之制以首爭首而享苴茅連從納衡至取封君千賞蹈利遂以成俗乃至楚漢厯世之王各乘閒釁互行窺伺得之爲英傑失之爲姦叛莫不威之以斧鉞籠之以軒冕是猶鬻販賈賣之道劫質誘畧之術豈先王尊教化褒功德法天秩而制禮之意歟至于唐氏天寶幽陵之亂建中奉天之逼而爵賞刑罰窮矣財賦不足以頒賚而職官

之所發也善乎前賢之論爵賞也以爲立國之道惟義與權誘人之方惟名與利名近虛而於教爲重利近實而於德爲輕凡所以裁是非立法制者則存乎其義至於參虛實揣重輕消息盈虛使人不倦者則存乎其權專實利不濟之以虛則耗匱而物力不給專虛名不副之以實則誕漫而人情不趨故國家之制賞典錫賚財賦秩廩所以裁實也差號品異章服所以飾虛也秩之載于甲令者有職事官焉有散官焉有勲官焉有爵號焉其掌務而受俸者以序才能以位賢德此所謂施實

利而寓之虛名者也其勲散爵號大抵止於服色資蔭而已以馭崇貴以甄功勞此所謂假虛名而佐其實利者也虛實交相養故人不遍賞輕重互相制故國不廢權彼夫胥吏輿臺部曲卒校雖執簡曳綬而無貴異之實假名虛號而無憑懾之柄罪不足以論贖徭不足以庇復於下則在無喪無得之際於國則有虧名害義之深是故損下之虛益上之實固權收利政之大方子曰必也正名乎夫豈惟名之不正而已哉固有理正之重者臣請備言焉自天下久甯四鄙不聳人安其業逾三

芻蕘輿論卷之一

十
國學雅堂叢書

十年是當國家全盛之時公私豐餘之日而帑廩乏兼年之積閭巷有半菽之民得非由爲費也廣故爲斂也重乎以是觀之設不幸遐陬有蜂蟻之擾連境有水旱之沴邊徼有立功之衆郡縣有施勞之人虛名走盡于無事之初實利不足於有爲之際臨危而畫發機已晚矣且兵驕將惰無甚于今未嘗贏股肱扞患難而號列功臣未嘗識亭障出營壘而嘗盈私橐作法于涼敝猶不救治而無法可救艱難方今可謂乘治作法之期是宜悉去五代姑息之失而乃虛實之用已竭權義之制

未立此臣輒用感憤者也臣聞衆之去就視乎君心事之重輕繫於國制重之則衆斯慕輕之則人必畧故明主之爲國譬猶執權衡謂其可以輕重乎天下之事制衆之去就也御名惜之斯重矣泛用之斯輕矣今虛名之在人可謂泛而輕者授之既不以爲寵罷之罔不足爲怨而乃不加意御名惜作法貴重謀所以爲佐實利而用者子曰民可使由之不可使知之管子曰密事端則上神自古明君良臣講義理道未有不重以輕重消息之術爲政者也若其守一定之制昧通久之變過時

芻蕘輿論卷之一

十
國學雅堂叢書

失會後徒噬臍乃以動衆爲虞易常爲戒若是而能通天下之志成天下之務者臣不敢知也

恩貸之罰

臣聞洪範三德平康正直言用正直之德以治平甯之世也蓋剛柔並用威惠相濟之謂正直剛而不柔則非綏懷之道惠而罔威則成姑息之弊且子產有寬猛之說而謂寬則使民易犯不若猛以爲政荀卿有輕重之論而謂輕則令人無畏不若重之近理夫子產仁人荀卿正士其言刑法乃後寬而尚猛是重而非輕彼豈樂

苛慘而貴殺伐哉誠審乎治法之宜爾也書曰威克厥愛允濟愛克厥威允罔功何謂平世主尊臣卑本重末輕朝無權強士無僞行民篤其業食節用時樂事勸功尊君親上風俗敦厲禮義興行綱紀文章修整淳重此之謂平世其有不及此者未得謂之平也且夫以一國之法譬一身之治平則致養疾必攻焉安佚舒泰而不以時發伸宣道則必有壅滯虛實之疾生焉發伸宣道既失其節疾焉而不時攻延屬乎腠理浸淫乎血脈而又怠于針熨煎劑之救滋入乎膏肓則雖扁鵲之技無

芻蕘輿論卷之一

主

國學雅堂叢書

所施矣然初由恃乎安佚舒泰故也故刑罰者因循之藥石保息者承平之梁肉已平而用刑罰是以藥石致養因循而復保息是以梁肉攻疾也臣實愚忝不達理要竊揆時政屬累盛之世治用中典德化醇醲仁澤深厚民頗流靡事或恩貸其尤著者罰用于下而不用于上賞行于上而不行於下若不整屬銜策箝勒韃軛則且和鑾失節僨突敗御矣昔舜因天討有四罪之誅湯制官刑著十愆之誡周官八議其議貴之辟蓋謂請讞于王禮曰刑不上大夫謂不虧傷其體皆非謂不入罰

科也故內則有放奪殺刺之典外則有絀爵削地責伐之制漢氏之法則有免罷謫徒宇春輸作之令是故爵位者天下之砥石先王所以礪世磨鈍賢則處之不賢則辟之功則用之罪則罰之自古馭臣之通制也仕者位貴則憂大祿厚則責深今也位重則無憂祿厚則免責臣故曰罰用于下而不用於上賞行于上而不行于下也臣伏願陛下英威發斷高明深燭鑒前王之治軌訪良臣之忠議更立大訓裁其過倖賞苟有功不以疎近而殊賞罰誠有罪不以尊卑而異罰如此則國典正

芻蕘輿論卷之一

主

國學雅堂叢書

於上官制立於下貽範永世見英主革敝立制之明焉謹論

主柄論

夫人君宅海域之位以據辰極之尊攝天地之政以主名器之重言為法令動為制度其所以藏身之固者賞罰二柄而已故萬邦黎獻共為臣僕義勇投命賢傑效智挾藝能者懷爵祿而畢力暴威武者顧斧鉞而死心巍巍乎南面而臨天下人用畏戴由私有二柄而公用之也謂天之大寶必由受命而得是謂國之利器亦以

假人而失故明王誠御今上視聽感發寤寐以求道德之老忠信之臣賢正之才慈惠之士以與居處以與圖議嚴恭祇畏奉若天命官不及私昵惟其能爵罔及惡德惟其賢及後佚王荒甯耽慢比昵邪慝果行喜怒匪勤惟易柄用下失有失之閭閻有失之闔寺有失之廊廟有失之藩方原失之初率由近始雖得於外姦必在中故柄在藩方其耳目必在廊廟柄在廊廟其腹心必在闔寺柄在闔寺其肘腋必在閭閻蓋情款密者則機隙易伺憑麗重者則指撻難及伏戎於莽中猶可虞伏戎於門不可虞也至乃后族戚里爲虺蜴之宅北司內省爲豺狼之窟台司公府爲穿檻之地庶邦列都爲斧鑕之場四方相仇烝民殄瘁得非由上失其正而下罹其害者哉歷代敗亂覆車一軌觀夫僻君失馭強臣得政蓋由厚味腊毒宴安穩慝謂篋櫝已固扁鑰不足嚴謂垣墉既修關鍵可以弛倒鑄授盜脫輒自絕及奸微竊弄包藏結讐蟻漏壞堤炬遺燎原合抱自毫末之萌履霜爲堅冰之漸以我刀鋸而威之以我衣裳而誘之皆其心腹雖平勃之謀無以遏產祿之勢蕃武之重不能

芻蕘輿論卷之一

丙

粵雅堂叢書

正甫節之惡謝安作相弗敢阻南郡之九錫尉迴爲將莫可正隋公之受遺矣故周書八柄惟王行爵祿罪誅之事洪範三德惟辟有玉食威福之惠是二柄人主所自固生民所寄命可不御今上也乎故畧著前代治亂危亡之迹爲鑒焉

后妃論

臣聞禮始乎大婚詩首於關雎易曰正家而天下定故帝嚳之立四妃虞舜之嬪二女塗山配禹簡城啓商周自古公王季姜任太姒世德相載故文王刑于寡妻以

芻蕘輿論卷之一

壬

粵雅堂叢書

御于家邦夫三代之制后妃嬪御皆所以助釐陰教贊成內治闔外之事非所預聞自秦芊后始攝政事以弟魏冉當國任政政范雎以爲秦獨有穰侯天下不知有王也及漢呂氏因惠帝之早世乘閒挺起干據帝座陰陽錯位根幹倒植汗塗淪潰幾遷運歷孝成卽祚委政王氏皇緒中微正統三絕外家昌大執權四世而東朝壽考爲之宗主至于新莽遂盜神器逮于東京孝安之後外立者四帝臨朝者六后地深帷幄禮閒外朝莫不行柄歸于父兄詔令專於闔寺於是有利幼之立忌賢

之難邪謀陰策以圖自固匪人乘閒又牽牛而蹊田正士悼心思投鼠而忌器害家凶國濫觴有漸近攷漢唐文帝孝和武韋之亂廟社危絕僅續如綫春秋之義君子大居正雖嗣王繼歷幼冲續政而猶朝政總聽乎冢宰師傅保乂乎上躬則阿衡專美于有商周公勤勞乎王家其人也故三代之道無后妃預政之理漢自諸呂之亂大臣議所立而先擇外家之賢者以定大計故孝文之人繼抑由薄氏仁良之故及武帝機識超遠深謀獨斷顧命金霍克隆基圖誠雄傑英主哉魏文帝鑒東

芻蕘輿論卷之一

六 粵雅堂叢書

京之覆轍立後世之長緒亦嘗作為戒誓其事可法矣六宮之位稽諸昏義則有三夫人九嬪二十七世婦八十一女御之數其在周禮則世婦女御職存而數闕蓋明君子不苟於色有婦德則擇以充位無則闕之矣自姬室衰陵諸侯僭縱秦併六國遷其後宮恣用汰心益崇爵號漢自文景務循儉德奕世累盛而至武元選納益庶嬖倖用煩至乃掖庭三千增級十四是以人君耽娛佚之樂起驕怠之惑倦勤廢政亂是用長唐景龍之孽天寶之敗是皆始於女德也夫其初皆恃當世之平

甯因天下之全盛罔思生民作業之勞不念四方惟正之供沈溺留連漸至蠹弊女謁干乎王度姦微竊乎事權帑藏以淫費而耗竭賞刑以私昵而謬濫召禍當日垂鑒後人良可哀也是故考歷代治亂之迹覽彤史得失之論擇善違失可舉而言若夫戒今上御名失政之方保全外戚之道則莫若賦之祿而使就第教之學而使循禮傳之以儒雅篤行之士而絕其便僻險偽之交示之以恭讓儉德之實而懲其慢遊僭汰之好以義節之是謂寵之以恩驕之是謂禍之梁竇竟焦類於漢武韋不

芻蕘輿論卷之一

七 粵雅堂叢書

遺育於唐是可戒矣若夫體乾坤之法正閭闔之治則莫若登選良哲之種採納衣冠之緒屏卑賤之妖色斥猥微之淫行敘進婉順之德染近清閒之性雨露均施照臨無頗以資昊天德久之無疆以取文王百斯之善慶若夫保邦求理之法節用安人之善則莫若省其品號罷虛授之廩祿放其游冗節徒費之羞服裁用度以寬民力息曠怨以除沴氣是故治世賢王之修身正家愛民經國之道莫先於此也已謹論

宦者論

臣聞三代之制凡在君側皆卿大夫士夏商之世未聞有宦者周官雖有閹人之職止乎掌王宮中門之禁幾出入時啓閉掃門庭而已非所以預政令總權務者也周道衰微官紀紊亂而寺人巷伯稍見乎詩傳至于秦漢列爲近職然帷幄親密之地省闈左右之任宜受詔命陪從輿輦固諸常侍謁者之職多爲士人儒者之選自武帝臨御長久留連盤娛數燕遊乎後庭頗疎隔乎朝士故請奏機事多由宦者而始得政矣遂爲兩京喪敗之基焉東漢自孝安之後繼以女主臨朝陰勢相乘

芻蕘輿論卷之一

六

粵雅堂叢書

中官遂大專斷國命掌握衡軸賢才死於鉤黨黎民弊於塗炭三綱錯亂四海飢離害偏生靈毒滿區夏而上今御帝乃始比超愴于伊且靈帝方更指讓忠爲翁母書傳所載覆亡之迹未若欽宗御名靈之際也唐太宗定制內省官階不得逾四品而其數不及百員但分掌五局及在閣門守禦黃衣廩食而已後明皇纘御崇重宮臣乃至爵爲國公門施榮戟中官之數遂及三千則有銜命四方監軍諸道宣傳密旨主掌要務詣一郡至一軍誅索貨賕必千萬計搖動天下紊亂朝經內則思藝爲林

甫之腹心外則璆琳爲祿山之耳目以至養成禍變傾覆基祚于後肅宗有輔國之逼而不得全父子孝慈之性代宗爲元振所制而不能庇將相股肱之臣德宗自山南蒙塵而還不欲武臣典親兵乃至兩中尉分掌左右神策天威等軍而委宦者主之由是禁衛兵權之重悉歸于中官矣蘭錡將臣藩嶽戎帥自其畜育由之遣置威福之柄非復天子所執元和神武之功猶不書葬昭愍童昏之亂宜難自全士良虎視于太和之朝令孜鴟張於乾符之後逮其季世王室如燬南北用比中外

芻蕘輿論卷之一

九

粵雅堂叢書

乖疑內則陰邪惡類乘樞機外則險賊姦人居相位爭權交噬刺骨相復故崔昌遐輩連結強帥向導全忠本爲自援之謀遂成移國之禍是非一朝一夕之故所由來者漸矣或曰三代而下一統承平之治國惟漢唐爲自而顛覆喪敗之禍同由此迹歷世則不然何歟臣對曰是惟一統承平之治國而後同此禍也何歟曰夫爲國者不在外難必有內憂自非聖人孰能戒今上御名乎無患憂惕於既安當其一統爲大無難虞之急承平久治有驕汰之志匪勤爲懈逸欲是尋幾務密猷委之近習

大臣從容而議存大體而暑細故憊人窺伺其隙乘機會而竊事權故弊積于甚微愚生乎所忽此漢唐之所以亂也夫魏氏至于江左疆事外擾朝廷多虞雖有暴慢之君荒殘淫僻危窘斃滅勢不得長嬖佞奸孽旋亦夷殛故上權之墜于下也無滋蔓深固之勢抑時有緩急其閒不足容乎因循之暇爾臣故曰是惟一統承平之治國乃同此禍也噫弊之來已既久矣其亦奈何姑可取戒乎漢欽宗廟諱靈之事勿使預乎刑獄以免其誣染善良之虐乎姑可取戒乎唐明皇之事勿使銜命出使

芻蕘輿論卷之一

三 粵雅堂叢書

以省其怖動郡縣之威乎姑可取戒乎肅代德之事勿使侵盜軍旅以收其把握天下之柄乎是三者不失則人君之所以據圖御世士大夫之所以輸忠事主烝民之所以宅生託命可以保全而不陷于非道矣謹論

宰司論

臣聞天下之事政無大小繫在廟堂有圖議而後有得失有得失而後有治亂有治亂而後有安危有安危而後有存亡善議政者不使有失善正失者不成於亂善救亂者不及於危善圖危者不至於亡誠使廟堂之上

協忠將救數求俊哲列于庶位惟事事乃其有備戒今御出令無從匪彝善始慮終惟正之念又惡乎危之至哉是故人謀誠得不牽乎天時國法既修不惟乎厯數當其治法有猷庶邦此處疑有脫誤郡長吏出而所署戮二千石而不請專地繼世僅如戰國自安史起釁河北非王土德順姑息河南皆寇壤章武勤勞夙夜拔材練謀極力十年粗夷險難懿倍之後寢微益削朱氏兼領十鎮遂行窺逼而受終矣五代圯壞顛危相逐皆由強諸侯擁重兵而奪取焉及我太祖之受命也天謀神機風雷

芻蕘輿論卷之一

三 粵雅堂叢書

變動創艾前弊講究長策於是不愛乎節鉞多命乎帥臣權分而勢自輕外與而內實取其後諸侯入覲漸留不遣方面都府牧伯之位更除士大夫而僚吏掾佐悉天官選補塞覬望之蹊隨覆奸亂之巢穴故四聖累盛大紀于茲寰海又甯不震不擾門無關鍵豈煩擊柝之虞蓄無局鎬安容肱篋之變可謂藏身之固置器於安規模之深遠也乎臣聞而論之曰唐自天寶之亂天下剖裂至我朝太平興國擒劉繼元靜并汾而天下始大一統生民離鋒鏑之禍伏惟祖宗之大功盛德無與較

焉然三王之善制不能無敝百世之長軌難以遐御故

自古無亂國而有亂君有治人而無治法利害倚伏勢

數之常幽厲享文武之國

欽宗御名

靈繼高光之法棄彝敗

典昵邪遠正周漢宮廟鞠成秦藪夫歷世始王創基垂

裕莫不鑒前之敗深思經久其爲秦謀者蓋見三代之

亡皆由諸侯於是有廢五等之畫爲漢計者蓋見秦無

盤維之固孤而易危於是有郡國雜建之策魏晉之議

者蓋見陳項之事黃巾之擾乘州邑之無備遂潰漫而

不制於是督持節之命皆所以誠覆轍遏亂畧堅

芻蕘輿論卷之一

三

粵雅堂叢書

鑿契以抵欹壞平衡石而均重輕然其負舟而趨遷鼎

奄有者則又不常在承藉世家撫宅疆宇者矣故閭左

戍卒攘臂以亡秦族泗水亭長提劍而啓漢祚光武以

書生起宛曹公以孝廉去譙司馬氏無凌儉之衆宋高

祖乏敦溫之勢歡泰出偏碑之微隋文因戚里之重及

其乘隙定業勢歸事濟備物九錫建國立臺比夫西伯

以二分而事紂小白奉四履以勤王體迹殊矣是故軼

斯罷侯置守之算徒見其輻輳運動之勢誼錯強幹弱

枝之論蓋昧于皮毛附麗之本

此處疑有脫誤

至于天乙之後

王室數衰每及賢王九琛復會周厲之削宣王申興秦

天下一家二世遽滅惡在乎郡縣而安也且唐之授歷

幾三百年內難四興外寇三作元宗孝和禍稔惟薄憲

宗昭愍毒由宮臣其范陽之亂奉天之逼雖安史爲之

戎首而甫琳實其禍胎恭惠不君紀律虧替私昵執鈞

衡之柄閭寺專帷幄之謀於是患結安南兵連徐土發

太上御名

瑋蜀之役雲代之釁恭定繼立王綱已解普天之

下巢讓之所塗炭自陝以東權儒之所踐食禁旅爲涇

人所殲邠帥以襄王僭命原其禍孽都由令孜是故唐

芻蕘輿論卷之一

三

粵雅堂叢書

之傾危不自藩鎮皆自蕭牆之內也向使明皇勤恤無

怠開元之初神武勵精常若建中之始懿皇紹

太上御名

克

守大中之政則范陽涇帥乘何釁而犯順嶺表彭門因

何隙而嘯聚譬之壞木蠹由中生譬之累棋勢從上墜

故知治亂本乎法度興亡繫乎時君御得諸道遠可以

賓絕俗撫乖乎方近不能保宮室彼方州者關梃動靜

臂指伸縮制不在外而在中矣且夫我太祖之以睿武

拯天下則有經綸拔定之畧駕馭威懷之術我太宗之

以英文繼大業則有緝熙撫甯之道裁節畫一之制我